

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), a nakon provedenog postupka nabavke putem konkurentskog zahtjeva, između Ugovornog organa i kvalifikovanih ponuđača zaključen je:

OKVIRNI SPORAZUM **o pružanju štamparskih usluga**

Između

1. Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktorica Elvira Habota (u daljem tekstu: Ugovorni organ), s jedne strane i kvalifikovanih ponuđača, s druge strane, kako slijedi:

- 1. Blicdruk d.o.o. Sarajevo, ulica Ćemaluša br. 8, 71 000 Sarajevo, koju zastupa direktorica Jasmina Hrlović – Budimir;**
- 2. Eurografika d.o.o. Zvornik, ulica Karakaj br. 104 e, 75 400 Zvornik, koju zastupa direktor Vaso Stanojević;**
- 3. Štamparija Fojnica dd Fojnica, ulica Prokoški put bb, 71 270 Fojnica, koju zastupa direktor Sead Šabanović;**
- 4. Svjetlost-BH print d.o.o. Sarajevo, ulica Ismeta A. Šerbe br. 3, 71 000 Sarajevo, koju zastupa direktor Nedim Sinanović;**
- 5. Gong d.o.o. Sarajevo, ulica Tešanjaska br. 42, 71 000 Sarajevo, koju zastupa direktor Mirsad Šukalo;**
- 6. Grafomark d.o.o. Laktaši, ulica Rudara Boškovića br. 7, 78 250 Laktaši, koju zastupa direktorica Jelena Milinčić;**
- 7. Grafičar d.o.o. Bihać, ulica Plješevička br. 2D, 77 000 Bihać, koju zastupa direktor Mehmed Felić;**
- 8. Grafika Šaran d.o.o. Sarajevo, ulica Srđana Aleksića br. 28, 71 000 Sarajevo, koju zastupa direktor Dejan Šaran;**
- 9. Primaprom d.o.o. Banja Luka, ulica Vidovdanska bb, 78 000 Banja Luka, koju zastupa direktor Duško Vrhovac.**

PREDMET OKVIRNOG SPORAZUMA

Član 1.

- (1) Strane u Okvirnom sporazumu saglasno konstatuju da je Ugovorni organ u skladu sa Zakonom o javnim nabavkama BiH proveo konkurentski zahtjev za pružanje štamparskih usluga, sa ciljem zaključivanja Okvirnog sporazuma o pružanju štamparskih usluga sa više ponuđača.**
- (2) Predmet Okvirnog sporazuma je utvrđivanje uslova za zaključivanje pojedinačnih ugovora o javnoj nabavci za pružanje štamparskih usluga, između Ugovornog organa i svih kvalifikovanih ponuđača u predmetnom postupku.**

(3) Ugovorni organ nije odredio okvirne potrebe za pružanje štamparskih usluga, koje su navedene u Prilogu 1 – Lista potencijalnih potreba za štamparske usluge tenderske dokumentacije. Lista ima informativni karakter, ne predstavlja obavezu za Ugovorni organ, i može biti proširena u skladu s nastalim potrebama tokom trajanja Okvirnog sporazuma.

PROCIJENJENA VRIJEDNOT OKVIRNOG SPORAZUMA

Član 2.

Realizacija predmetne nabavke vršiće se zaključivanjem pojedinačnih ugovora, u zavisnosti od stvarnih potreba Ugovornog organa i raspoloživih finansijskih sredstava. Ukupna vrijednost svih pojedinačnih ugovora zaključenih na osnovu Okvirnog sporazuma ne može preći procijenjenu vrijednost nabavke, koja iznosi 60.000,00 KM bez PDV-a.

VAŽENJE OKVIRNOG SPORAZUMA

Član 3.

(1) Ovaj Okvirni sporazum se zaključuje na period do 2 (dvije) godine, a stupa na snagu danom potpisa ovlaštenih predstavnika svih ugovornih strana.

(2) Tokom perioda važenja ovog Okvirnog sporazuma Ugovorni organ će se zaključivati više pojedinačnih Ugovora, u zavisnosti od stvarnih potreba Ugovornog organa.

USLOVI ZAKLJUČIVANJA POJEDINAČNIH UGOVORA

Član 4.

(1) Ugovorni organ će nakon provedenog postupka mini tenderisanja zaključivati pojedinačne ugovore.

(2) U postupku mini tenderisanja Ugovorni organ će uputiti zahtjev za dostavu ponuda svim kvalifikovanim ponuđačima sa kojima je zaključen ovaj Okvirni sporazum i utvrditi rokove za dostavu ponuda.

(3) Ponuđači dostavljaju zatvorene ponude u pismenom obliku, koje se javno otvaraju na mjestu i u vrijeme koje je odredio Ugovorni organ u pozivu na mini tenderisanje.

(4) Dodjela pojedinačnih Ugovora za nabavku kancelarijskog materijala zasniva se na kriteriju „najniže cijene“ u skladu sa odredbama člana 64. stav 1. tačka b) Zakona o javnim nabavkama BiH.

(5) Pri zaključivanju pojedinačnih ugovora ne mogu se mijenjati uslovi iz ovog Okvirnog sporazuma.

MJESTO ISPORUKE, ROK I VRIJEME

Član 5.

Pružalac usluga dužan je isporučiti usluge na adresu: Direkcija za evropske integracije, Đoke Mazalića broj 5, u okviru radnog vremena od 08.00 do 16.00 sati.

Član 6.

Pružalac usluga obavezuje se da će isporuku štampanih publikacija izvršiti prema nalogu Ugovornog organa, u roku najkasnije do 7 (sedam) radnih dana od preuzimanja podataka. Unutar tog roka, Pružalac usluga će dostaviti probni otisak publikacije, kako bi Ugovorni organ mogao dati konačan nalog za dalju izradu naručenih komada.

OBAVEZE PRUŽAOCA USLUGA

Član 7.

(1) Pružalac usluga se obavezuje da će usluge fakturisati u skladu sa ugovorenim rokovima, na osnovu otpremnih dokumenata (kao što su otpremnice i drugi slični dokumenti), koji moraju biti potvrđeni od strane Ugovornog organa kao dokaz da su publikacije preuzete. Faktura će biti izdana i predana na dan preuzimanja publikacija.

(2) Pružalac usluga se obavezuje na nepromjenjivost ponuđenih cijena tokom cijelog ugovorenog perioda po osnovu zaključenog pojedinačnog Ugovora.

(3) Ugovorni organ će plaćati fakture za pružene usluge propisanim platnim nalogom za plaćanje u roku do 15 dana od dana nastanka obaveze.

PRELAZNE I ZAVRŠNE ODREDBE

Član 8.

(1) Ovaj Okvirni sporazum se može raskinuti na osnovu sporazuma ugovornih strana.

(2) Ovaj Okvirni sporazum može se raskinuti i jednostrano i to iz sljedećih razloga:

a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;

b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;

c) drugih razloga u skladu sa važećim zakonima.

(2) Ugovorna strana koja pokreće postupak za raskid ugovora iz razloga navedenih u stavu (2) ovog člana ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.

(3) Dodatni rok iz prethodnog stava ovog člana Okvirnog sporazma ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispuni svoje obaveze iz Okvirnog sporazma, ovaj Okvirni sporazum će se smatrati raskinutim.

(4) Raskid Okvirnog sporazuma sa jednim kvalifikovanim ponuđačem ne podrazumijeva raskid Okvirnog sporazuma sa ostalim kvalifikovanim ponuđačima, osim ako ugovorne strane drugačije ne odluče, u skladu sa Zakonom.

Član 9.

Odredbe ovog Okvirnog sporazuma ne mogu se mijenjati nakon njegovog zaključenja.

Član 10.

Eventualno nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 11.


(1) Na osnovu prava i obaveza ugovornih strana, koje nisu regulisane ovim Ugovorom, primjenjivaće se odredbe Zakona o obligacionim odnosima.

(2) Ovaj Okvirni sporazum je sačinjen u 20 istovjetnih primjeraka, od čega Ugovorni organ zadržava po 2 primjerka za svoje potrebe, a kvalifikovani ponuđači za svoje potrebe po 2 primjerka.

1. Blicdruk d.o.o. Sarajevo

Direktorica

Jasmina Hrlović-Budimir



Broj: 65/25

Datum, 25.09.25



3. Štamparija Fojnica dd Fojnica

Direktor

Sead Šabanović



Broj: 92/25

Datum, 19.09.2025.



5. Gong d.o.o. Sarajevo

Direktor

Mirsad Šukalo



Broj: 708/25


Datum, 25.09.2025.



7. Grafičar d.o.o. Bihać

Direktor

Mehmed Felić



Broj: 01-418/25

Datum, 14.09.2025.



9. Primaprom d.o.o. Banja Luka

Direktor

Duško Vrhovac



Broj: 04-01-629/25

Datum: 29.08.2025.



2. Eurografika d.o.o. Zvornik

Direktor

Vaso Stanojević



Broj: 180/25

Datum, 17.09.2021. god.



4. Svjetlost-BH print d.o.o. Sarajevo

Direktor

Nedim Sinanović



Broj: 148/25


Datum, 21.09.2025.



6. Grafemark d.o.o. Laktaši

Direktorica

Jelena Milinčić



Broj: 241/25


Datum, 27.08.2025.



8. Grafika Saran d.o.o. Sarajevo

Direktor

Dejan Šaran



Broj: 149/25


Datum, 16.9.25



Ugovorni organ

Direktorica

Elvira Habota



Broj: 05-JM-16-4-TB-13-44/25

Datum: 29.09.2025-godina.

